

Նոր խնդիրները, նկատեց Վ. Համբարձումյանը, որոնք գրվում են ամբողջ հասարակության առջև, չեն կարող հաջողությամբ լուծվել առանց հասարակական գիտություններով զբաղվող գիտական կոլեկտիվների ակտիվ մասնակցության։ Նրանք պետք է ուժեղացնեն զարգացած սոցիալիզմի կատարելագործման պրոբլեմների հետազոտությունը, բարձրացնեն գիտական հետազոտությունների զաղափարադասական մակարդակն ու գործնական նշանակությունը, ավելի խոր ուսումնասիրեն դիալեկտիկական և պատմական

մատերիալիզմի, դիտական կոմունիզմի, քաղաքատնտեսության հրատապ պրոբլեմները, կուսակցության ղեկավար դերի բարձրացման հարցերը, միջազգային կոմունիստական, բանվորական և ազգային-ազատագրական շարժման փորձը՝

Ջեկուցման մեջ մեծ տեղ հատկացվեց գիտական կադրերի դաստիարակման և պատրաստման, գերատեսչական գիտահետազոտական ինստիտուտների, բուհերի հետ կապը ամրապնդելու, արտագրության հետ սերտորեն համագործակցելու, գիտական մշակումների կոորդինացումն ա-

կադեմիայի գլխավորությամբ իրականացնելու հարցերին։

Ժողովում ելույթ ունեցան ՀՍՍՀ ԳԱ ակադեմիկոսներ Գ. Մ. Ղաբիրյանը, Ս. Գ. Մաքսյանը, ՀՍՍՀ ԳԱ թղթակից անդամ Ս. Հ. Մովսիսյանը, ֆիզիկամաթեմատիկական գիտությունների դոկտոր Ռ. Մ. Մաբախոյանը և ՍՍՀՄ մանկավարժական գիտությունների ակադեմիայի թղթակից անդամ Լ. Հ. Վալեսյանը։ Նրանք խոսեցին այն խնդիրների մասին, որոնք դրված են ՀՍՍՀ գիտությունների ակադեմիայի առջև՝ գիտատեխնիկական առաջագիմության արագացման բնագավառում։